

Hopi interes di parti di Angecianan di viahe pa Aruba Jazz & Latin Music Festival



Durante e conferencia di prensa di parti di comision organizador di Aruba Jazz & Latin Musical Festival, sr. Leo Tromp a bisa cu ta reina masha interes di parti di angecianan di viahe pa cu e

Aruba Jazz & Latin Musical Festival cu lo bay tuma lugar na Juni.

Hopi ta esnan tambe cu ta uza e package di AHATA y ya cambernan di hotel ta cla pa esnan cu

kier bin presencia e evento aki. Di parti di wholesalersnan cu tabata tin un conferencia recientemente na Aruba, tambe por a tende masha comentario tocante e evento aki.

Un di e actividadnan cu aña pasa a cuminsa cu despues a worde realiza cu el a genera un publicidad enorme pa e festival ta e asina yama "Kick off party" cu a worde teni na New York. Di e actividad aki a sali publicidad tanto pa Aruba como pa e festival aki.

Enconecion cu esaki lo tin e aña aki atrobe dia 24 di April na New York den e Restaurant Cherrie Netherlands lo tene e "Kick off party" aki. Pa e actividad aki lo ta invita e artistanan cu lo ta den festival di e aña aki, nan representantenan, companianan disquera, y tambe e tur e medianan di prensa grandi na Merca y Canada. Algun di e companianan cu lo bay tey ta entre otro CBS, Warner Bros, Polydor, Polygram etc.

Cu 100 Dollar bo ta bira un amigo di Aruba Jazz & Latin Music Festival

Sr. Leo Tromp, a bisa cu e aña aki atrobe manera ta costumber lo tin e presale pa personanan local. Esaki lo ta den e luna aki. Aña pasa mas di 100 persona local a probecha di e oferta aki y a dicidi di hacie un biaha mas e aña aki.

Muy probablemente e caarchinan pa pre-sale lo ta ariba mercado cuminzando otro siman y lo ta te fin di April.

Den pasado tambe segun sr. Tromp nan a menciona cu nan ta haciendo esfuerzonan pa haya sponsors. Pa cu esaki tambe tin diferente categoria. Tin e sponsors mes, tin donors, tin categoria di e partner educativo di e festival, tin e parti educativo pa schoolnan, lo bay tin clinica pa musiconan, charlanan tocante musica etc.

Un di e apelacionnan cu sr. Tromp a haci ta pa e pueblo di Aruba coopera cu e festival pa e posibilidad di bira "amigo di jazz festival". Esaki ta abase di 100 Dollar bo por considera bo mes un amigo di e festival. Tin

cierto beneficianan pa e amigonan aki. Nan lo ricibi un tipo di un boton special cu ta identificanan como e amigo di e festival, nan lo haya mencion den e programa, y tambe nan lo tin un lugar apart special pa nan sinta.

Tambe tin "education partners" di e festival. Nan tambe lo haya mencion den e programa, lo worde invita na actividadnan di comision tin pa e festival, y lo tin parti den e categoria educativo di e festival.

Pa loke ta trata sponsors sr. Leo Tromp a bisa cu e parti aki ta mustra masha positivo. Nan tin diferente contacto, diferente posibilidad cu ta mustra den bon caminda. Nan ta entre otro Kraft, American Airlines, American Express, Gobierno di Aruba mes cu ta worde considera e sponser principal di e evento aki y tambe Coastal cu a haci un donacion grandi ariba 2 tereno pa loque ta trata e Jazz & Latin Music Festival.

Papito y su Doble Sabor den swing tur weekend



No ta faya un weekend cu e artistanan aki ta den movecion. Plannan ta grandi pa e aña aki y sigur sigur ta pa bini cu un lp. E banda di aña 1989 Papito y su Doble Sabor ya caba ta haciendo grabacionnan pa asina bini cu nan promer lp pa e aña aki.

E jovennan aki tur siman nan ta den movecion, tocante den discotequen, clubnan, actividadanan, fiestanan familiar

etc. Papito y su Doble Sabor tambe ta preparando pa viaha pa Sint Maarten unda nan lo tey pa e carnaval di St. Maarten.

Segun comentarionan di hopi fans, nan estilo di toca, ritmo, actuacion, zonido ta unico y esey tambe ta pone cu Papito y su Doble Sabor tin e meta pa supera mas y mas y brinda e publico loque nan ta desea.

Farandula

Trio Huasteca pa New York



Trio Huasteca e siman aki a viaha cu American Airlines pa New York pa algun presentacion. E trio aki no ta desconoci aki na Aruba ya cu na tur caminda y na tur ocasion caminda cu nan ta presente e ambiente ta masha anima y comenta. Meta di e viahe aki ta pa promove Aruba den exterior y

segun por a compronde esaki ya ta di varios bez cu e trio aki ta biaha pa exterior.

American Airlines conhuntamente cu Aruba Touristen Bureau ta den un fuerte lucha pa promove Aruba na Merca siendo e mercado mas popular y necesario pa Aruba.

Sea ABO un feliz GANADOR di

«« E GORDO »» CU

afls. 82.000,-

pa afls. 3.-- so.



LOTTO

pa deporte